
ԱՐԳԻՇԹԻ I ԱՐՔԱՅԻ ԳԱՀԱԿԱԼՈՒԹՅԱՆ ՏԱՐԻՆԵՐԻ ՎԵՐԱԹՎԱԳՐՈՒԹՅԱՆ
ՀԱՐՑԻ ՇՈՒՐՁ

ԵՐՎԱՆԴ ԳՐԵԿՅԱՆ

Ուրարտագիտության մեջ և հատկապես խորհրդային հեղինակների շրջանում գերիշխում էր ուրարտական արքաների համար Բորիս Պիոտրովսկու առաջարկած ժամանակագրությունը¹: Այն իր հերթին հենվում էր Կառլ Ֆրիդրիխ Լեման-Հաուպտի կազմած ժամանակագրական սանդղակի վրա՝ վերջինից տարբերվելով, մասնավորապես, առաջին արքաների հաջորդականության հարցում²: Մասնակի փոփոխություններ տեղ գտան միայն հետագայում, երբ, հենվելով Կարմիր Բլուրի պեղումներից ձեռք բերված գրավոր վկայությունների վրա, առաջարկվեց ուրարտական արքայացանկը համալրել նոր անուններով՝ ցանկում ներառված արքայանունների թիվը հասցնելով տասնչորսի³:

Բավական կուռ թվացող այդ ցանկում իրականում մեծ է անորոշությունը և պետք է փաստենք, որ միայն երկու դեպքում կարող ենք վստահ խոսել արքաների ուղիղ հաջորդականության մասին: Առայժմ անկասկած է, որ Իշպուհինին հաջորդել է նրա որդի Մենուան, ով, ինչպես կարծում են, իշխանության էր եկել հոր հետ, այսպես կոչված, «համատեղ գահակալություն»-ից հետո, իսկ Մենուայի որդի Արգիշթինին հաջորդել է նրա որդի Մարդուրին: Անորոշությունը հատկապես մեծանում է, երբ մենք գործ ենք ունենում չորս Մարդուրիների և չորս Ռուսանների հետ, ի լրումն այն անունների, որոնց կարելի է տեսնել Ուրարտուի գահին: Այդ նույնը վերաբերում է նաև արքաների կառավարման տարիներին: Այդ հարցերի շուրջը ծավալված նոր քննարկումները⁴ շրջանցեցին նաև Մենուայի որդի Արգիշթիի գահակալության ժամանակաշրջանի խնդիրը⁵:

¹ Б. Б. П и о т р о в с к и й. История и культура Урарту. Ереван, 1944, с. 36 сл.; Ն ու յ ն ի՝ Ванское царство (Урарту). М., 1959, с. 41 сл.

² Հ ն մ ն. C. F. L e h m a n n – H a u p t. Das urartäisch-chaldische Herrscherhaus.– „Zeitschrift für Assyriologie und Vorderasiatischer Archäologie“, Bd. 33, 1921, S. 28sq.

³ N. V. A r o u t i o u n i a n. Problèmes concernant la dernière période de l’histoire d’Urarտ.– “Acta Antiqua Academiae Scientiarum Hungaricae”, T. 22/1-4, 1976, p. 106f., 111f.

⁴ U. S e i d l. Bronzekunst Urartus. Mainz am Rhein, 2004, S. 123sq.; Ն ու յ ն ի՝ Wer gründete RusaÆinili/Toprakkale? .– “Aramazd: Armenian Journal of Near Eastern Studies”, vol. 2, 2007, 137sq.; Ն ու յ ն ի՝ Rusa son of Erimena, Rusa son of Argišti and Rusahinili/Toprakkale.– S. K r o l l, C. G r u b e r, U. H e l l w a g, M. R o a f, P. Z i m a n s k y (eds.), Biainili-Urartu. The Proceedings of

ով հայտնում էր ուրարտական արքային հաղթելու մասին⁹: Շամշի-իլուն Բ. ա. 780 թ. էպոնիմն էր¹⁰, ուստի և ենթադրվել է, որ Արգիշթիի նկատմամբ ձեռք բերված հաղթանակը տեղի է ունեցել նրա էպոնիմատի տարում¹¹: Ասորեստանի հետ բախում «Խորխորյան տարեգրություն»-ը հայտնում է Արգիշթիի կառավարման 6-րդ (՝), 7-րդ (՝) և 9-րդ (՝) տարիների համար¹², ըստ Գեորգի Մելիքիշվիլու վերակազմության¹³: Դեպի Ուրարտու ձեռնարկված արշավանքների մասին է հայտնում նաև ասորեստանյան էպոնիմների ցանկը՝ սկսած Բ. ա. 781 թ. ընդհուպ մինչև Բ. ա. 774 թ. բացառությամբ Բ. ա. 777 և 775 թթ.¹⁴:

Գեորգի Մելիքիշվիլին Արգիշթիի կառավարման 6-րդ (՝) տարվան վերաբերող «Խորխորյան տարեգրության» տեղեկությունը ասորեստանյան զորքին հաղթելու մասին նույնացնում էր Բ. ա. 781 թ. Ուրարտու ձեռնարկված ասորեստանյան առաջին արշավանքի հետ: Ըստ այդմ, Բ. ա. 786 թ. դառնում էր Արգիշթիի գահակալության առաջին տարին¹⁵:

Այդ մոտեցումը վիճարկեց Իգոր Դյակոնովը: Նա գտնում էր, որ «Խորխորյան տարեգրության» 6-րդ (՝) տարվա տեղեկությունը ասորեստանյան զորքին հաղթելու և դեպի Բաբելոնի երկիր արշավելու մասին¹⁶ պետք է զուգադրել Բշթարդուրիի էպոնիմատի տարում՝ Բ. ա. 774 թ. [Արգիշթիի կառավարման 7-րդ (՝) տարին ըստ Ի. Դյակոնովի], Ուրարտու և Նամրի ձեռնարկված ասորեստանյան պատասխան արշավանքի հետ, քանի որ, նրա կարծիքով, հենց Նամրի երկիրն է ուրարտական տեքստերում հանդես գալիս իբրև «Բաբելոնիա» (URU babilu(ni) KUR ebanu)¹⁷: Ըստ այդմ, Արգիշթիի կառավարման սկիզբը պետք է համարել Բ. ա. 780/779 թ.¹⁸: Հենվելով

⁹ A. K. Grayson. Assyrian Rulers of the Early First Millennium B.C. (858–745 B.C.).– The Royal Inscriptions of Mesopotamia: Assyrian Periods, vol. III. Toronto – Buffalo – London, 1996, p. 231ff. (A.O.104.2010–2011).

¹⁰ A. Millard. The Eponyms of the Assyrian Empire 910–612 B.C.– “State Archives of Assyrian Studies”, 2, 1994, pp. 38, 58.

¹¹ Б. Б. Piotrovskiy. Ванское царство (Урарту), с. 41.

¹² St' u, համապատասխանաբար, КУКН, 173 II₅₁-III₆, III₂₀₋₃₂; IV₁₄₋₃₆; СТU I, A 8-3 II₅₁-III₆, A 8-3 III₁₄₋₃₂, A 8-3 IV₁₄₋₃₆ տեքստերը:

¹³ Г. А. Меликишвили. Древневосточные материалы по истории народов Закавказья I. Наирри-Урарту, с. 214 сл.

¹⁴ A. Millard. Նշվ. աշխ., էջ 38–39, 58:

¹⁵ Г. А. Меликишвили. Նշվ. աշխ., էջ 210: St' u, դեռևս, С. F. Lehmann-Haupt. Նշվ. աշխ., էջ 28 (ca. 785–765/760):

¹⁶ КУКН, 173 III₁₁; СТU I, A 8-3 III₁₁.

¹⁷ И. М. Дьяконов. Ассиро-вавилонские источники по истории Урарту.– §Вестник древней истории!, 2, 1951, № 38, прим. 6.

¹⁸ И. М. Дьяконов. Նշվ. աշխ., էջ 68–69, Ն п л ж ъ ж ' История Мидии от древнейших времен до конца IV века до н. э. М.–Л., 1956, с. 170.

նույն փաստարկների վրա՝ նման կարծիք է հայտնում նաև Անդրեաս Տուբսը՝ Արգիշթիի գահակալության շրջանը թվագրելով Ք. ա. 779–756 թթ-ով¹⁹:

Ընդհուպ մինչև 2000-ական թվականները մասնագիտական հրատարակություններում այս խնդիրը սկզբունքային հարց չէր դիտարկվում և նախապատվությունը տրվում էր մեկ այս, մեկ այն կարծիքին²⁰: Իսկ խորհրդային հայագիտության մեջ արմատավորվեց Գ. Մելիքշվիլու առաջարկած թվագրումը²¹:

Համընդհանուր մոտեցում գտած այս երկու տեսակետներից յուրաքանչյուրն էլ հակասության մեջ է մտնում «Խորխորյան տարեգրության» և ասորեստանյան աղբյուրների տվյալների հետ: Օրինակ, եթե ընդունենք, որ Ք. ա. 774 թ. համապատասխանում է Արգիշթիի կառավարման 7-րդ (՝) տարվան, ինչպես նշում էր Բ. Դյակոնովը, ապա այդ դեպքում ստիպված ենք ընդունել նաև, որ ասորեստանյան նախորդ հինգը արշավանքները (Ք. ա. 781–778 և 776 թթ.) որևէ կերպ չեն արտացոլվել «Խորխորյան տարեգրության» մեջ: Բացի այդ, պետք է ընդունենք նաև, որ արքայի կառավարման 9-րդ (՝) տարում ձեռնարկված ուրարտական արշավանքը չի արտացոլվել այս անգամ արդեն ասորեստանյան աղբյուրներում:

Նման մոտեցումը հիմնավորված չէ: Մասնավորապես, Ք. ա. 774 թ. որպես Արգիշթիի կառավարման 7-րդ (՝) տարի ընդունելու դեպքում նախորդ՝ 6-րդ (՝) տարվա համար (Ք. ա. 775 թ. ըստ Բ. Դյակոնովի) ասորեստանյան էպոնիմների ցանկում հանդիպում ենք դեպի «մայրիների լեռ» (իմա՝ Լիբանան) ուղղված արշավանքի մասին տեղեկությանը, այն դեպքում, երբ «Խորխորյան տարեգրություն»-ը նշում է, որ ասորեստանյան զորքը ներխուժել է Ուրարտու (^{K[UR]}as̄-[šur^{L3}A.S])^{IMES̄}-šī-e^{KUR}e-

¹⁹ A. F u c h s. Der Turtān Šamšī-ilu und die große Zeit der assyrischen Großen (830-746).– „Die Welt des Orients“, Bd. 38, 2008, S. 81sq., 133; Ն ու յ ն ի՝ Urartu in der Zeit, S. 150sqq.

²⁰ Б. Б. П и о т р о в с к и й. Ванское царство (Урарту), с. 43; M. N. v a n L o o n. Urartian Art. Its Distinctive Traits in the Light of New Excavations. Istanbul – Leiden, p. XV, 11ff.; M. S a l v i n i. Geschichtlicher Abriß.– Н. - J. K e l l n e r (Hrsg.), Urartu: Ein wiederentdeckter Rivale Assyriens. Katalog der Ausstellung. Мьнchen, 1976, S. 11sq., 15; Ն ու յ ն ի՝ Geschichte und Kultur der Urartu, S. 207 (Zeittafel); Ն ու յ ն ի՝ Das Corpus der urartäischen Inschriften.– S. K r o l l, C. G r u b e r, U. H e l l w a g, M. R o a f, P. Z i m a n s k y (eds.), Biainili-Urartu. The Proceedings of the Symposium held in Munich 12-14 October 2007.– “Acta Iranica”, № 51. Louvain, 2012, p. 133. Գ. Մելիքշվիլու առաջարկած թվագրումից քիչ էր տարբերվում Ֆրիդրիխ Վիլհելմ Քյոնիգի տեսակետը, ով Արգիշթիի գահակալության սկիզբը համարում էր Ք. ա. 789 թ. (Ք. ա. 789–765 թթ.). տե՛ս F. W. K o n i g. Handbuch der chaldischen Inschriften, I.– “Archiv für Orientforschung”, Beiheft 8/I. Graz, 1955, S. 1.

²¹ Տե՛ս, օրինակ, Ն. Վ. Հ ա ր ր լ թ յ ու ն յ ա ն. Երևանի հիմնադրման ժամանակի հարցի շուրջը.– ՊԲՀ, 1959, - 2–3, էջ 81 և հաջորդիվ, ն ու յ ն ի՝ Бийнили (Урарту). Военно-политическая история и вопросы топонимики. Ереван, 1970, с. 179–180; Յ. Կ ա ր ա գ ե ո գ ե ա ն. Հայկական լեռնաշխարհը սեպագիր աղբյուրներում, հ. I, գիրք 1. Մեպագիր տեղանուններ, Երևան, էջ 67 և այլուր:

ba-ni-[O]-ki aš-du)²²: Ընդ որում, տվյալ տարվա, այսպես կոչված, «վերնագրային բանաձև»-ում նշվում է Ասորեստանի գորքին հաղթելու մասին (*ka-ru-ni* ^{KUR}*aš-šur* ^{L3h}*u-ra-di-e*)²³, ինչից ևս բխում է, որ նախահարձակ կողմն Ասորեստանն էր, ում գորքը գտնվում էր ուրարտական տարածքում²⁴:

Ակնհայտ է, որ ասորեստանյան գորքին հաղթելու մասին տարեգրության տեղեկությունը պետք է վերաբերեր այդ շրջանում դեպի Ուրարտու ուղղված ասորեստանյան մյուս հինգ արշավանքներից որևէ մեկին, ինչն արդեն իսկ բացատում է առաջարկված վերակազմությունը²⁵:

Գ. Մելիքիշվիլու առաջարկած թվագրության դեպքում նույնպես հակասություն է ծագում «Խորխորյան տարեգրության» և ասորեստանյան էպոնիմների ցանկի միջև այն դեպքերի համար, երբ ասորեստանյան աղբյուրի տեղեկությունները դեպի Ուրարտու ձեռնարկված արշավանքի մասին իրենց արտացոլումը չեն գտնում ուրարտական տեքստերում: Խոսքը վերաբերում է ասորեստանյան վեցը արշավանքներից երեքին՝ Ք. ա. 779, 776 և 774 թթ.²⁶:

Արգիշթիի նկատմամբ Շամշի-իլուի ձեռք բերած հաղթանակը, ինչպես վերը նշվեց, թվագրվում է Ք. ա. 780 թ.՝ գորավարի առաջին էպոնիմատի տարով: Ընդ որում, Ք. ա. 779 թ. թվագրվող Կալխուի դիվանի տեքստերում ուրարտացի գերինների հիշատակության փաստը²⁷ կարող է հավաստել ոչ միայն Շամշի-իլուի խոսքերը՝ Արգիշթիին հաղթելու մասին, այլև վկայել, որ այդ հաղթանակը տեղ է գտել հենց նախորդ Ք. ա. 780 թ.:

Ասորեստանյան գորավարն իր հաղթանակը հավերժացրել էր թողնելով երեք կոթող: Դրանցից երկուսը հայտնաբերվել են Թիլ-Բարսիպից (ներկայիս Թեյլ Ահմար հնավայրը հյուսիսային Սիրիայում²⁸) և արձանագրված են առյուծների երկու

²² КУКН, 173 II⁵⁷ – III¹; СТУ I, А 8-3 II⁵⁷-III¹. Այս հատվածի թարգմանության համար տե՛ս Ն. Վ. Հ ա р н и թ յ ն ի ն յ ա ն. Նոր դիտարկումներ ուրարտական սեպագրերում.– «Մերձավոր և Միջին Արևելքի երկրներ և ժողովուրդներ», 2006, պր. 25, էջ 197 և հաջորդիվ: Հմմտ. նաև ստորև՝ ծնթ. 24:

²³ КУКН, 173 II⁵²; СТУ I, А 8-3 II⁵².

²⁴ Նման թարգմանության հնարավորության վրա մեր ուշադրությունը հրավիրեց բ. գ. դ. Մարգարիտ Խաչիկյանը, ում հայտնում ենք մեր խորին շնորհակալությունը:

²⁵ Հմմտ. И. М. Дьяконов. Рец. на кн.: Г. А. Меликишвили. Древневосточные материалы..., с. 68–69.

²⁶ Հմմտ. Г. А. Меликишвили. Նշվ. աշխ., էջ 232–233:

²⁷ J. V. K i n n i e r – W i l s o n. The Nimrud Wine List. A Study of Men and Administration at the Assyrian Capital in the Eighth Century, B.C.– “Cuneiform Text from Nimrud”, vol. 1, London, 1972, p. 93f.

²⁸ F. T h u r e a u - D a n g i n, M. D u n a n d. Til Barsib, Album.– “Bibliothèque archéologique et historique”, 23. Paris, 1936, Pl. XXXVII.

հսկայական արձանների վրա²⁹, իսկ երրորդը, որն արձանագրվել է քարակոփ կոթողի վրա³⁰, գտնվել է Դոհուկի շրջանից (հյուսիսային Իրաք)³¹: Մյուս կողմից, տարբեր վայրերում թողնված արձանագրությունները հիմք են ծառայել ենթադրելու, որ Շամշի-իլուն Արգիշթիի դեմ ձեռնարկել է միաժամանակ երկու արշավանք՝ մեկը, թերևս, դեպի Ուլլուբա, որը տեղորոշվում է Դոհուկի մերձավորությամբ, իսկ երկրորդը՝ ինչ-որ տեղ՝ վերինեփրատյան գոտում³²: Շամշի-իլուի պնդմամբ՝ ճակատամարտ(եր)ում ուրարտական զորքերին առաջնորդել է անձամբ Արգիշթին:

Կարծում ենք, տրամաբանական կլինի ենթադրել, որ ասորեստանյան զորավարի երկու արշավանքները տեղ են գտել ոչ թե մեկ տարում, այլ՝ երկու: Դրանք կարելի է նույնացնել դեպի Ուրարտու ձեռնարկված ասորեստանյան առաջին երկու արշավանքների հետ, այն է՝ Ք. ա. 781 և 780 թթ.: Ընդ որում, պատահական չէ, որ առաջին արշավանքը համապատասխանում է ասորեստանյան նոր արքա Սալմանասար IV-ի (Ք. ա. 781–772 թթ.) գահակալության ու նրա իսկ էպոնիմատի տարվան և կարող էր իրագործված լինել նրա գլխավորությամբ կամ նրա հրամանով³³:

Այդ տարիները, ըստ Գ. Մելիքիշվիլուի վերակազմության, համապատասխանում են Արգիշթիի կառավարման 6-րդ (՝) և 7-րդ (՝) տարիների հետ: Սակայն, կարծում ենք, որ Արգիշթիի կրած պարտությունները Շամշի-իլուից պարզապես տեղ չեն գտել տարեգրության մեջ, իսկ ասորեստանյան զորքին հաղթելու մասին «Խորխորյան տարեգրության» առաջին տեղեկությունը վերաբերելու է Ք. ա. 779 թ. Մարդուկ-բեամաննիի էպոնիմատի տարում դեպի Ուրարտու ձեռնարկված թվով երրորդ արշավանքին³⁴: Այդ դեպքում, Ք. ա. 778 թ. Բել-լեշիրի էպոնիմատի տարում դեպի

²⁹ A. K. Grayson. Նշվ. աշխ., էջ 231 և հաջորդիվ (A.0.104.2010):

³⁰ C. F. Lehmann - Haupt. Materialien zur älteren Geschichte Armeniens und Mesopotamiens. – “Abhandlungen der königlichen Gesellschaft der Wissenschaften zu Göttingen”, philologisch-historische Klasse, Neue Folge 9/3. Berlin, 1907, S. 45sq., Fig. 22.

³¹ A. K. Grayson. Նշվ. աշխ., էջ 233 և հաջորդիվ (A.0.104.2011):

³² Տե՛ս և հմնտ. И. М. Дьяконов. Նշվ. աշխ., էջ 69–70, ծնթ. 1, A. Fuchs. Urartu in der Zeit, S. 150.

³³ Այս առումով պետք է նշել, որ, հավանաբար, Արգիշթիի դեմ ուղղված արշավանքին է վերաբերում, ամենայն հավանականությամբ, Սալմանասար IV-ի անունով թողնված տեքստը (արքայի անունը չի պահպանվել): Խիստ պակասավոր տեքստը նամակ-գեկույց է ուղղված աստվածներին և թվագրվում է Շամշի-իլուի էպոնիմատի տարով (տե՛ս K. Grayson. Նշվ. աշխ., էջ 243–244 (A.0.105.3): Վերջինիս երկրորդ էպոնիմատը Ք. ա. 770 թ. էր, երբ, հավանաբար, Արգիշթին այլևս գահին չէր:

³⁴ Հետաքրքիր է, որ այդ արշավանքից ճիշտ երկու տարի առաջ, որը, մեր կարծիքով, համապատասխանում է Ք. ա. 781 թ., Արգիշթի I-ն արշավել էր վերինեփրատյան գոտու «խեթական» երկրների դեմ, այն է՝ Մելիտեա-Մելիդ, Թաբալ և այլն (KYKH, 173 II-24; CTU I, A

Ուրարտու ձեռնարկված ասորեստանյան չորրորդ արշավանքը կհամապատասխանի «Խորխորյան տարեգրության» տեղեկությանը՝ Արգիշթիի կառավարման 7-րդ (7) տարում Ասորեստանի գործին հաղթելու մասին:

«Խորխորյան տարեգրություն»-ը Ասորեստանի հետ բախում Արգիշթիի կառավարման 8-րդ (8) տարվա համար չի հայտնում: Դա համապատասխանում է Ք. ա. 777 թ., երբ, իրոք, ասորեստանցիները զբաղված էին արամեական Իթուա ցեղախմբի դեմ պատերազմելով³⁵: Ինչպես տեսնում ենք, այստեղ ևս հակասություն չի առաջանում ասորեստանյան և ուրարտական աղբյուրների միջև:

Ասորեստանյան էպոնիմների ցանկը Պան-Աշշուր-լամուրի էպոնիմատի դիմաց (Ք. ա. 776 թ.) վերստին արձանագրում է Ուրարտու արշավելու մասին: «Խորխորյան տարեգրություն»-ը այս անգամ չի հայտնում Ասորեստանի գործին հաղթելու մասին, փոխարենը՝ հայտնում է մինչև «Ասորեստանի սահման»-ը հասնելու մասին (*ku-tè-a-di pa-ri^{KUR} aš-šur-ni-ni^{KUR} al-ga-ni*)³⁶: Ակնհայտ է, որ խոսքը վերաբերում է միննույն իրադարձությանը, ու այստեղ ևս երկու աղբյուրների տեղեկությունները չեն հակասում միմյանց:

Ներգալ-էրեշի էպոնիմատի տարում (Ք. ա. 775 թ.), ինչպես վերը նշվեց, ասորեստանյան բանակն արշավել է դեպի «մայրիների լեռ»³⁷: «Խորխորյան տարեգրություն»-ը Ասորեստանի հետ բախում նույնպես չի արձանագրում³⁸:

Եվ, վերջապես, Իշթար-դուրիի էպոնիմատի տարում (Ք. ա. 774 թ.) տեղ է գտնում հերթական թվով վեցերորդ արշավանքը դեպի Ուրարտու և, միաժամանակ, դեպի Նամրի (*ana māturar[ī] māt[namri]*): «Խորխորյան տարեգրություն»-ը հայտնում է Սիրանի քաղաքը նվաճած մանայական գործին հաղթելու, քաղաքը պաշարելու և վերագրավելու մասին³⁹: Ընդ որում, այդ տարվա ռազմական գործողությունները ծավալվել են միմիայն Սիրանիի շուրջը, ինչը խոսում է այդ քաղաքի ռազ-

8-3 II5-24): Այդ երկրներն ընկած էին ասորեստանյան ազդեցության գոտում, հետևաբար, Արգիշթիի արևմտյան արշավանքը շոշափում էր հենց Ասորեստանի շահերը: Ուստիև, կարելի է կարծել, որ ասորեստանյան պատասխան արշավանքին էր վերաբերելու Շամշի-իլուի ձեռք բերած հաղթանակը Արգիշթիի նկատմամբ: Նկատենք, որ Շամշի-իլուն ասորեստանյան տերության ողջ արևմտյան հատվածի և մասնավորապես՝ սիրիական տարածքների փաստացի տիրակալն էր և իրեն անվանում էր «Խաթթի երկրի կառավարիչ» (այդ մասին տե՛ս A. K. G r a y s o n. Assyrian Officials and Power in the Ninth and Eighth Centuries.– “State Archives of Assyria Bulletin”, 7/1, 1993, p. 27. Մանրամասն տե՛ս նաև A. F u c h s. Der Turtān Šamši-ilu, S. 78sq.):

³⁵ A. Millard. *Նշվ. աշխ., էջ 38, 58*:

³⁶ KYKH, 173 IV³⁶; CTU I, A 8-3 IV³⁶.

³⁷ A. Millard. *Նշվ. աշխ., էջ 39, 58*:

³⁸ KYKH, 173 IV⁴²⁻⁶⁶; CTU I, A 8-3 IV⁴²⁻⁶⁶.

³⁹ KYKH, 173 IV⁶⁷ – V¹⁰; CTU I, A 8-3 IV⁶⁷ – V¹⁰.

մավարական նշանակության և դրան տիրելու համար ընթացած թեժ մարտերի մասին: Կարելի է մտածել, որ Նամրի արշավելու հետ մեկտեղ Ասորեստանը ռազմական օգնություն է ցուցաբերել Մանայի արքային ընդդեմ Ուրարտուի, ինչն էլ կարող էր արտացոլվել ասորեստանյան էպոնիմների ցանկում որպես Ուրարտու ձեռնարկված արշավանք: Ուրարտուի գլխավոր հակառակորդն այդ տարի, կարծում ենք, Մանայի արքան էր, ում հիշատակում է Արգիշթին առանց նրա անունը նշելու⁴⁰:

Այսպիսով, կարծում ենք, որ նման վերակազմությունը համապատասխանում է ասորեստանյան և ուրարտական աղբյուրների տվյալներին ու այդ տվյալների միջև էական հակասություններ չի առաջացնում: Մյուս կողմից, դեռևս անպատասխան է մնում երկու հարց. ե՞րբ է Արգիշթին գահ բարձրացել և որքա՞ն է նա կառավարել:

Եթե ճիշտ է մեր մոտեցումը՝ Ք. ա. 779 թ. համարելու ասորեստանյան զորքին հաղթելու մասին «Խորխորյան տարեգրության» առաջին հիշատակությունը, ապա այդ դեպքում Արգիշթիի համար Չ. Մելիքիշվիլու առաջարկած գահակալության տարեթիվը պետք է առաջ բերել երկու տարով և այն ընդունել Ք. ա. 784 թ.:

Ցավոք, «Խորխորյան տարեգրության» սկզբնական հատվածը մեզ չի հասել և դժվար է ասել, թե արքայի գահակալության *n*^o տարվան է վերաբերում տարեգրության առաջին տեղեկությունը՝ Դիաուխի ձեռնարկված արշավանքի մասին: Ընդ որում, այդ արշավանքը սկսվում է *ikukani* MU «նույն տարում» բառերով⁴¹, ինչից պարզ է դառնում, որ դրան նախորդել է առնվազն մեկ այլ արշավանք: Չ. Մելիքիշվիլին ենթադրում էր, որ դիաուխյան արշավանքի տարվան պետք է նախորդեր ևս մեկ՝ արքայի գահակալության տարին⁴²: Այդ հարցում նրա հետ համակարծիք էր նաև Բ. Դյակոնովը⁴³: Այդպես է կարծում նաև Մ. Սալվինին⁴⁴:

Խնդրի հստակեցման համար անգնահատելի սկզբնաղբյուր է տարեգրության կրկնօրինակի մի հատվածը, որտեղ առկա է նաև Արգիշթիի գահակալության փաստի և տարբեր տարիների գլխավոր անցքերի արձանագրումը: Խոսքը վերաբերում է հին Վանի հայկական Մր Մահակ եկեղեցուց հայտնաբերված կոթողների երկու բեկորներից առաջինին (այսուհետև՝ Կոթող Ա)⁴⁵: Չորս կողմից արձանագր-

⁴⁰ [ha-šO-O-b]i^{KUR} ma-na-še^{URU} si-ra-a-ni ha-i-la-a-ni... «լսեցի, (որ) մանացին (իմա՝ Մանայի արքան) Միրանի (քաղաքը) գրավել է» (տե՛ս КУКН, 173 IV⁷⁴; СТУ I, А 8-3 IV⁷⁴):

⁴¹ КУКН, 173 I^{x+5}; СТУ I, А 8-3 I⁵.

⁴² Г. А. М е л и к и ш в и л и. Նշվ. աշխ., էջ 207:

⁴³ И. М. Д ъ я к о н о в. Նշվ. աշխ., էջ 69, ծնթ. 1:

⁴⁴ M. S a l v i n i. Geschichte und Kultur der Urartäer, S. 59.

⁴⁵ КУКН, 174 A1-A4; СТУ I, А 8-1.

ված և մոտ 110 տող ունեցող բեկորը ներկայացրել է կոթողի վերին հատվածը (նկ. 1-2):

Քառակող կոթողը արձանագրվել է ձախից աջ՝ ԴԿ («դիմային կողմ»), ԱԿ («աջ կողմ»), ՀԿ («հակառակ կողմ») և ՉԿ («ձախ կողմ») հաջորդականությամբ: Դա պնդելու համար կարելի է բերել մի քանի օրինակներ: Հեֆշեստրիկից (այժմ՝ Սավաջրք) գտնված կոթողն արձանագրվել է երեք կողմից՝ ԴԿ-ԱԿ-ՀԿ հաջորդականությամբ: Այդ կոթողի ՀԿ-ի վերջնամասում էլ արձանագրվել է, այսպես կոչված, «անեծքի բանաձև»-ը՝ ուղղված կոթողը վնասողներին⁴⁶: Մուշից հայտնաբերված մեկ այլ կոթողի բեկոր, որն արձանագրված է չորս կողմից, նույնպես գրվել է ձախից աջ հաջորդականությամբ՝ ԴԿ-ԱԿ-ՀԿ-ՉԿ: Այստեղ տեքստն ավարտվում է ՉԿ-ում տրված «անեծքի բանաձև»-ով⁴⁷: Նույն հաջորդականությամբ է արձանագրվել նաև Մովանայի կոթողը: Ընդ որում, վերջինիս ԴԿ-ԱԿ հատվածը ներկայացնում է ուրարտական տեքստը, ՀԿ-ՉԿ հատվածը՝ ասորեստանյան⁴⁸: Հետևաբար, կասկած չկա, որ նույն հաջորդականությամբ պետք է արձանագրված լինեին նաև Սբ Սահակ եկեղեցուց հայտնաբերված կոթողը: Գ. Մելիքիշվիլու տեսակետը, որ կոթողի արձանագրությունը ԴԿ-ից հետո շարունակվել է ՀԿ-ում⁴⁹, ակնհայտորեն, սխալ է⁵⁰:

Կոթող Ա-ի վերին հատվածում պահպանվել է հետևյալ իրադարձությունների նկարագրությունը.

ԴԿ – տրվում է Խալդի աստծո համար կոթող կանգնեցնելու «ներածական բանաձև»-ը, արքայական տիտղոսաշարը և «անեծքի բանաձև»-ը, արքայի գահակալության արձանագրումը և վերստին արքայական տիտղոսաշարը, ինչ-որ երկիր արշավելուն վերաբերող «վերնագրային բանաձև»-ը:

ԱԿ – տրվում է Դիաուիսի ձեռնարկած արշավանքի նկարագրությունը:

ՀԿ – տրվում է Էթիունի ձեռնարկած արշավանքի նկարագրությունը և Կեխունի երկրի նվաճումը, Էրեբունիի հիմնադրումն ու Խատե և Ծուպա երկրներից բերված 6 հազ. 6 հարյուր զինվորների վերաբնակեցումը, նույն տարում դեպի Ուրուրդա ձեռնարկած արշավանքի «վերնագրային բանաձև»-ը:

ՉԿ – տրվում է Խալդի աստծո *iniriaše*-ին վերաբերող ընդարձակ, բայց քիչ հասկանալի տեքստ և դեպի Ուրմե ձեռնարկած արշավանքի նկարագրության սկիզբը:

Այն, որ ԴԿ-ը ներկայացրել է տարեգրության սկիզբը, կասկածից դուրս է, հակառակ այն փաստի, որ տեքստի սկզբնամաս է ներմուծվել նաև «անեծքի բանաձև»-

⁴⁶ CTU I, A 14-2.

⁴⁷ КУКН, 58; CTU I, A 5-7.

⁴⁸ CTU I, A 10-3.

⁴⁹ Г. А. Меликишвили. *Նշվ. աշխ.*, էջ 207–208:

⁵⁰ *St' u M. Salvini. Նշվ. աշխ.*, էջ 58, 64 և հաջորդիվ:

ը⁵¹: Մեզ հայտնի բոլոր օրինակները, որոնցում արձանագրվում է տվյալ կոթողը Խալդի աստծուն ընծայելու բանաձևը (^{dh}aldie eurye ini ^(NA4)pulusi kuguni), մշտապես ներկայացնում է արձանագրության սկիզբը⁵²: Այդ նույնը վերաբերում է արքայի գահ բարձրանալու կամ «հայրական տեղ»-ը զբաղեցնելու փաստի արձանագրումներին⁵³, ինչն առկա է նաև քննարկվող կոթողի վրա:

Այստեղ կարևոր է, որ Կոթող Ա-ի հատկապես ռազմական նվաճումներին վերաբերող տեղեկությունները հայտնի են նաև «Խորհուրդյան տարեգրություն»-ից: Վերջինիս տվյալներից դատելով՝ Արգիշթի Մենուայորդու դիաուխյան արշավանքը (պայմանական $x+1$ -ին տարի) տեղի է ունեցել էթիունյան արշավանքից և Կեխունի երկրի նվաճումից երեք տարի առաջ ($x+4$ -րդ տարի): Այսինքն՝ կոթողի ԱԿ-ը պարունակել է արքայի կառավարման երեք տարիների նկարագրությունը, որոնցից մեկը դիաուխյան արշավանքն էր (նկ. 1): Մյուս կողմից, էթիունյան արշավանքից և Կեխունի երկրի նվաճումից մինչև Ուրմե երկրի նվաճումը (= $x+13$ -րդ տարի) բաժանում է 9 տարի: Ըստ այդմ, պետք է մտածել, որ առնվազն 8 տարիների անցքեր, այդ թվում՝ ասուրա-ուրարտական պատերազմները, արձանագրված են եղել կոթողի ՀԿ-ում՝ մեզ չհասած հատվածի մակերեսին (նկ. 2): Կոթողի ԴԿ-ի պահպանված հատվածի զբաղեցրած մակերեսը մոտավորապես հավասար է ՀԿ-ում տրված մեկ տարվա անցքերի ընդարձակ նկարագրությանը: Արդյո՞ք դա նշանակում է, որ ԴԿ-ի կորսված հատվածում տրված է եղել արքայի գահակալության ավելի քան 7 կամ 8 տարիների նկարագրությունը, ներառյալ՝ գահակալության տարին: Դա հնարավոր է թվում, քանի որ կոթողի ԱԿ-ի շատ ավելի նեղ հատվածում, փաստորեն, ունենում ենք երեք տարիների նկարագրություն, ինչպես նշեցինք վերը:

Եթե դա այդպես է, իսկ այլ բան քիչ է հնարավոր ենթադրել, քանի որ Կոթող Ա-ի պահպանված բեկորի ԴԿ-ի տեքստը ներածական բանաձևերից հետո արդեն իսկ սկսում է ռազմական իրադարձությունների նկարագրությունը՝ հայտնելով ինչ-որ երկրի, թերևս, Էթիունիի ապստամբ լինելու և այն Արգիշթիի առջև Խալդի աստծո կողմից խոնարհեցնելու մասին⁵⁴, ապա, փաստորեն, Արգիշթիի դիաուխյան արշավանքը պետք է տեղի ունեցած լիներ այդ իրադարձությունից մոտավորապես 6 կամ 7 տարի հետո, այն է՝ $1+6/7+1$ տարում: Այդ դեպքում, Ք. ա. 779 թ., որը, մեր կարծիքով, համապատասխանելու է տարեգրության նշած $x+5$ -րդ տարվան, լինելու էր արքայի գահակալության 12 կամ 13-րդ տարին: Հետևաբար, Արգիշթիի գահակալության սկիզբը պետք է թվագրել Ք. ա. 791 կամ 790 թվականով:

⁵¹ Տե՛ս նաև Г. А. М е л и к и ш в и л и. Նշվ. աշխ., էջ 206:

⁵² Տե՛ս, օրինակ, КУКН, 753-5; СТУ I, А 5-173-7.

⁵³ Տե՛ս, օրինակ, КУКН, 4243-4; СТУ I, А 12-2 I3-4.

⁵⁴ КУКН, 174 А322-26; СТУ I, А 8-122-26.

Ինչ վերաբերում է արքայի գահակալության տարիների թվին, ապա այստեղ ևս կարելի է ունենալ որոշակի հստակություն:

Ըստ Գ. Մելիքիշվիլու՝ «Խորխորյան տարեգրություն»-ը ներկայացրել է Արգիշթիի կառավարման առաջին 15 տարիները⁵⁵: Տարեգրության կրկնօրինակը, ըստ նրա, պարունակել է ևս 8 տարիների նկարագրությունը: Այսպիսով, Արգիշթիի համար նա ենթադրում էր առավելագույնը 23 տարվա կառավարում: Ք. ա. 786 թ. հիմք ընդունելու դեպքում՝ Արգիշթիի գահակալության ավարտը նա տեսնում էր Ք. ա. 764 թ.⁵⁶: Ի. Դյակոնովն Արգիշթիի համար ենթադրում էր 22 տարվա գահակալության շրջան՝ Ք. ա. 780/779–759/758 թթ.⁵⁷:

«Խորխորյան տարեգրության» մեջ 13 անգամ հիշատակվում է արքայի կառավարման տվյալ տարվա, այսպես կոչված, «ամփոփիչ բանաձև»-ը: Խոսքը վերաբերում է *inanili arniušinili 1 MU/šusini šali zadubi*՝ «այս սխրագործությունները մեկ տարում արեցի» բանաձևին⁵⁸: Մեր առաջարկած վերակազմության դեպքում պետք է ենթադրենք, որ տարեգրությունը ներկայացնելու էր ոչ պակաս, քան 20 կամ 21 տարիների պատմությունը (1+6/7+13):

Հին Վանի հայկական Մր Սահակ եկեղեցուց հայտնաբերված երկրորդ կոթողի բեկորը (այսուհետև՝ Կոթող Բ), որը սխալմամբ միավորվել էր Կոթող Ա-ի հետ և տեղիք տվել սխալ հաշվարկների⁵⁹, ի տարբերություն առաջինի, արձանագրված է միայն երկու կողմերից՝ ԴԿ և ՀԿ (նկ. 3)⁶⁰: Բացի այդ, Կոթող Բ-ի բովանդակությունն էապես տարբերվում է «Խորխորյան տարեգրություն»-ից: Մասնավորապես, Կոթող Բ-ի պահպանված բեկորի ՀԿ-ում բավական մանրամասն ներկայացված է Դիաուխի ձեռնարկած արշավանքը⁶¹: Այդ արշավանքը հայտնի է նաև Հանաքի վիմագիր արձանագրությունից⁶², ու թեև որոշ հեղինակներ միավորել են այդ արշա-

⁵⁵ Г. А. М е л и к и ш в и л и. *Նշվ. աշխ.*, էջ 208:

⁵⁶ *Նույն տեղում*, էջ 210:

⁵⁷ И. М. Д ъ я к о н о в. *Նշվ. աշխ.*, էջ 70, ն ու յ ն ի՝ История Мидии, с. 170–171, прим. 3.

⁵⁸ КУКН, 173, I16, II3, 24, 50, III19, 45, IV11-13, 41, 66, V10, 32, 69, VI11; СТУ I, А 8-3 I16, II3, 24, 50, III19, 45, IV11-13, 41, 66, V10, 32, 69, VI11.

⁵⁹ Դեռևս XX դարի սկզբին նման առաջին փորձն արել է Վալդեմար Բելքը (W. B e l c k. Mittheilungen über armenische Streitfragen.– “Zeitschrift für Ethnologie”, 33, 1901, S. 298 sq.): Հմնտ. նաև՝ Г. А. М е л и к и ш в и л и. *Նշվ. աշխ.*, էջ 206–207: Որ քննարկվող բեկորները պատկանել են երկու տարբեր կոթողների՝ տե՛ս М. S a l v i n i. *Նշվ. աշխ.*, էջ 59: Արգիշթին, հնարավոր է, թողել է նաև երրորդ կոթողը, որից պահպանվել են երկու փոքր բեկորներ՝ չնչին տեղեկատվությամբ (տե՛ս КУКН, 175a, b; СТУ I, А 8-4, А 8-5):

⁶⁰ КУКН, 174 B1-B2; СТУ I, А 8-2.

⁶¹ КУКН, 174 B1x+1-26; СТУ I, А 8-2 V01'-26'.

⁶² КУКН, 174 C; СТУ I, А 8-7.

վանքը «Խորխորյան տարեգրության» մեջ և Կոթող Ա-ում ներկայացված դիաուխյան արշավանքի հետ, սակայն, ակնհայտորեն, խոսքը վերաբերում է այդ երկիր ձեռնարկված մեկ այլ արշավանքի⁶³: Դրա վկայությունն է այն, որ տեքստերը ոչ միայն չեն կրկնում իրար, այլև՝ բացարձակ անհամապատասխանություն է առկա գերի տարված բնակչության և կենդանիների թվական տվյալների միջև: «Խորխորյան տարեգրության» մեջ նշվում են հանրագումարային թվեր, Կոթող Բ-ի քննարկվող հատվածում առկա են միայն Դիաուխիին վերաբերող թվական տվյալները, ընդ որում, որպես ավար տարված ձիերի թիվը նշվում է 4426, այն դեպքում⁶⁴, երբ «Խորխորյան տարեգրության» մեջ նշված հանրագումարային թիվը, որը վերաբերում է ողջ տարվա ընթացքում ձեռք բերված ավարին, կազմում է ընդամենը 1104⁶⁵:

Կարծում ենք, որ Կոթող Բ-ում նկարագրված դիաուխյան արշավանքը կարող էր տեղ գտած լինել Արգիշթիի գահակալության առաջին մի քանի տարիների ընթացքում՝ նկարագրված լինելով Կոթող Ա-ի՝ մեզ չհասած միջին կամ ստորին հատվածի ԴԿ-ում (նկ. 1): Նույնը վերաբերում է Կոթող Բ-ի ՀԿ-ի պահպանված հատվածում դեպի Էթիունի իրականացված արշավանքի նկարագրությանը: Եթե ընդունենք, որ Կոթող Ա-ի ԴԿ-ում պակասավոր տեքստում հիշատակված երկիրը, որն ապստամբել էր, կարող է լինել Էթիունի⁶⁶, ապա այդ երկրի դեմ իրականացված արշավանքը, փաստորեն, լինելու էր Արգիշթիի առաջին ռազմական գործողությունը գահ բարձրանալուց հետո և կարելի է պնդել, որ Արգիշթին իր գահակալության առաջին մի քանի տարիներին առնվազն երկու անգամ արշավել է դեպի Էթիունի (տե՛ս աղյուսակը):

Կոթող Բ-ի ԴԿ-ում ներկայացված տեքստն արդեն համապատասխանում էր «Խորխորյան տարեգրության» II և III սյունակներում տրված իրադարձություններին, ու դրա կրկնօրինակն է: Հընթացս նշենք, որ մեր կողմից առաջարկված վերակազմության դեպքում պետք է ընդունել, որ Կոթող Բ-ի ՀԿ-ն իրականում ԴԿ-ն էր և հակառակը:

Ցավոք, Կոթող Բ-ն շատ օգտակար չի կարող լինել Արգիշթիի գահակալության շրջանը հստակեցնելու համար: Դրանից հայտնի, սակայն, ուրարտական այլ տեքստերում չպահպանված դրվագները կարող են վերաբերել Արգիշթիի կառավարման առաջին տարիներին: Այստեղ նկատենք, որ թե՛ «Խորխորյան տարեգրության» մեջ, և թե՛ Կոթող Ա-ում Արգիշթիի գահակալությունը, ըստ էության, ավարտվում է նույն տեղում: «Խորխորյան տարեգրության» մեջ Արգիշթիի վերջին

⁶³ Տե՛ս նաև Н. В. А р у т ю н я ճԻՆՆՂՎ. աշխ., էջ 180–181, М. Salvini. Նշվ. աշխ., էջ 59: Հմմտ. Г. А. М е л и к и ш в и л ճԻՆՆՂՎ. աշխ., էջ 207:

⁶⁴ КУКН, 174 В113; СТУ I, А 8-2 V013'.

⁶⁵ КУКН, 173 I15; СТУ I, А 8-3 I15.

⁶⁶ КУКН, 174 А322-26, п. 9-10.

նազմաքաղաքական ձեռնարկումը դեպի Ուրմե իրականացված արշավանքն էր: Դրան հաջորդող տեքստը, որով եզրափակվում է տարեգրության «քաղաքական» հատվածը, վերաբերում է Բամնի լեռան «փլվելուն» (երկրաշարժի⁶⁷), որը Արգիշթին վերագրում էր իրեն⁶⁷: Տարեգրությունը դրանից հետո եզրափակում է «անեծքի բանաձև»-ը⁶⁸: Հետևաբար, կարելի է մտածել, որ Կոթող Ա-ի ՁԿ-ի տեքստը ևս դեպի Ուրմե իրագործված արշավանքից հետո եզրափակվել է Բամնի լեռանը և Արգիշթին վերաբերող վերը նշված հատվածով ու, հավանաբար, «անեծքի բանաձև»-ով (նկ. 2): Այդ դեպքում, ՁԿ-ում կունենանք միայն մեկ տարվա նկարագրություն, որով կոթողի տարիների թիվը կկազմի 20–21 տարի, այսինքն՝ այնքան, որքան որ «Խորհորյան տարեգրություն»-ը:

Այսպիսով, Մենուայի որդի Արգիշթիի գահակալության սկիզբը պետք է համարել Ք. ա. մոտ 791/790 թ., իսկ նրա համար կարող ենք ենթադրել շուրջ 20 տարիների գահակալության շրջան՝ առնվազն մինչև Ք. ա. 772/771 կամ 771/770 թ.⁶⁹: Արգիշթիի որդի Սարդուրիի գահակալության սկզբի համար մեր կողմից առաջարկվող նոր տարեթիվը՝ Ք. ա. 771 թ., կարծում ենք, հաստատում է այս վարկածը⁷⁰:

⁶⁷ KYKH, 173 V₈₀ – VI₂₀; CTU I, A 8-3 V₈₀ – VI₂₀.

⁶⁸ KYKH, 173 VIII; CTU I, A 8-3 VIII.

⁶⁹ Գ. Մելիքիշվիլու կողմից ժամանակին որպես գուտ աշխատանքային վարկած առաջարկված Արգիշթի I-ի կառավարման թվականները՝ Ք. ա. 786–764 թթ., տասնամյակների ընթացքում արմատավորվեցին գիտության մեջ, իսկ Արգիշթիի գահակալության «5-րդ տարի»-ն՝ (Ք. ա. 782 թ.), ընդունվեց որպես Էրեբունի-Երևանի հիմնադրման տարեթիվ: Մինչդեռ, Էրեբունի հիմնադրվել է Արգիշթիի գահակալության 11/12-րդ տարում, որը համապատասխանում է Ք. ա. 780 թ.: Հետևաբար, Էրեբունիի հիմնադրման 2800-ամյակը լրանում է 2019 թ.:


⁷⁰ Sté u Y. H. G r e k y a n. The Regnal Years of the Urartian Kings Argišti Menuahi and Sarduri Argištih. – “Aramazd: Armenian Journal of Near Eastern Studies”, vol. 9/1, 2015, p. 91ff.

Ա.Ա. 2 0116 189 009 401


Ա.Ա. 2 0116 189 009 401

Գահակալության տարին	Քվեկանը	Արշավանքների ուղղությունը	Վարչական տարածքային սահմանը	Վարչական տարածք
I տարի	Ք.ա. 791թ.	գահակալության տարին, ընդհանուր էրիտի Օ	-	KUKN, 174 A3.23 CTU I, A 8-1 R6.28
I / II տարի	Ք.ա. 790թ.	-	-	-
II / III տարի	Ք.ա. 789թ.	-	-	-
III / IV տարի	Ք.ա. 788թ.	-	-	-
IV / V տարի	Ք.ա. 787թ.	-	-	-
V / VI տարի	Ք.ա. 786թ.	-	-	-
VI / VII տարի	Ք.ա. 785թ.	Գրառություն	-	KUKN, 174 A1.28
VII / VIII տարի	Ք.ա. 784թ.	Երիտմի, Առչա, Կատարազ և այլն	-	CTU I, A 8-1 I. d.137
VIII / IX տարի	Ք.ա. 783թ.	Գրառություն, Չարսախա, Արտմի	-	-
IX / X տարի	Ք.ա. 782թ.	Երիտմի, Արիտմի, Անշահազա, Ուրտմի	-	-
X / XI տարի	Ք.ա. 781թ.	Քարալ, Մալխան-Աելի	-	-
XI / XII տարի	Ք.ա. 780թ.	Երիտմի, Վիտմի և Ուրտարա, Երիտմի, Քարալի հիմնադրումը	-	KUKN, 174 A2.39 CTU I, A 8-1 V6.38
XII / XIII տարի	Ք.ա. 779թ.	Քնդմի առևտրատեղանքի բանակի, Քաչառ, Քարիտմի, Քաչառա	-	-
XIII / XIV տարի	Ք.ա. 778թ.	Քնդմի առևտրատեղանքի բանակի, Քաչառ, Տարիտմի	-	-
XIV / XV տարի	Ք.ա. 777թ.	Իլառի, Մանա, Քաչառ	-	-
XV / XVI տարի	Ք.ա. 776թ.	Մանա, Երիտմի՝ մինչև «Մարիտանի սահմանը»-ը	-	-
XVI / XVII տարի	Ք.ա. 775թ.	Մանա, Քաչառ	-	KUKN, 174 B2.44.0 CTU I, A 8-2 R6.107
XVII / XVIII տարի	Ք.ա. 774թ.	Քնդմի մանալանքի բանակի, Երիտմիների կենտրոններ	-	KUKN, 174 B2.44.08 CTU I, A 8-2 R6.11.38
XVIII / XIX տարի	Ք.ա. 773թ.	Տարիտմի խորի, ընդհանուր մանալանքի բանակի	-	KUKN, 174 B2.44.08 CTU I, A 8-2 R6.11.47
XIX / XX տարի	Ք.ա. 772թ.	Մանա, Երիտմի	-	-
XX / XXI տարի	Ք.ա. 771թ.	Տարիտմի, Ուրտմի	-	KUKN, 174 A4.28 CTU I, A 8-1 I. d.136
Տույն տարում Օ		Բանդի լեռան վերջում	-	-


Ա.Ա. 2 0116 189 009 401



Նկ. 1
Սբ Սահակ եկեղեցուց հայտնաբերված Կոթող Ա-ի դիմային և աջ կողմերը



Նկ. 2
Սբ Սահակ եկեղեցուց հայտնաբերված Կոթող Ա-ի
հակառակ և ձախ կողմերը



Նկ. 3
Սբ Սահակ եկեղեցուց հայտնաբերված Կոթող Բ-ի
դիմային և հակառակ կողմերը

я
К ВОПРОСУ О НОВОЙ ДАТИРОВКЕ ПЕРИОДА ПРАВЛЕНИЯ
ЦАРЯ АРГИШТИ I

я
ЕРВАНД ГРЕКЯН

я
Резюме

я

Знаменитый советский урартолог Г. Меликишвили, исследуя основные письменные источники сына Менуа Аргишти I – так называемую «Хорхорскую летопись» и ее дубликат – и восстановив хронологическую последовательность изложенных в них событий, предлагал конкретизировать период правления царя и датировать его 786–764 гг. до н. э. Данная точка зрения, которую Г. Меликишвили выдвинул всего лишь в качестве рабочей гипотезы, с годами укоренилась в исторической науке, особенно в арменоведении. Именно на основе этой датировки 5-й год правления Аргишти I (782 г. до н. э., согласно Г. Меликишвили) был принят в качестве даты основания Эребуни–Еревана. В западной науке вплоть до последних лет период правления Аргишти I датировался 785/780–756 гг. до н. э. Аргументы, на основе которых предложены вышеупомянутые датировки, устарели и более не оправдывают себя. Новое изучение упомянутых источников и их реконструкция позволяют удревнить период правления Аргишти I на 5–7 лет. Согласно новой реконструкции, Аргишти I правил около 20 лет, в 791/790–772/771 или 771/770 гг. до н. э. В свете новых исследований необходимо также пересмотреть датировки и последовательность походов урартского царя. Что касается традиционной датировки основания Эребуни, то оно имело место не на 5-м году правления Аргишти I, а на 11-м или 12-м году, что соответствует 780 г. до н. э. Следовательно, 2800-летие основания Эребуни исполняется в 2020 году.

я
я

ON THE ISSUE OF REDATING THE REGNAL YEARS
OF THE KING ARGİŞTI I

YERVAND GREKYAN

Summary

Prominent Soviet Urartologist G. Melikishvili, investigating the main written sources of Argišti I Menuahi – the so-called “Horhor Annals” and its duplicate, and reconstructing chronological sequence of the events described there, offered to concretize the period of king’s reign and date it to 786–764 B.C. This viewpoint, suggested by G. Melikishvili only as a working hypothesis, became well established with the years in scientific history and in Armenian studies, in particular. Basing especially on this dating, the “5th regnal year” of Argišti I (782 B. C. according to G. Melikishvili) was accepted as a date for foundation of Erebuni–Yerevan. In western studies until recently the government of Argišti I was dated to

785/780- 756 B.C. The arguments, based on which the above mentioned dating was suggested, are already outdated and can not really work. New study and reconstruction of the aforementioned sources suggest to date the government of Argišti I earlier for 5–7 years. According to the new reconstruction, Argišti I reigned around 20 years, between 791/790 – 772/771 or 771/770 B.C. In the light of new investigations it is also necessary to review the dates and sequence of campaigns of the Urartian king. As to the traditional dating of foundation year of Erebuni, it took place not in the 5th, but in the 11th or 12th year of the reign of Argišti I, which corresponds to 780 B.C. Thus, the 2800th anniversary of the foundation of Erebuni will be only in 2020.